



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

5 Vtrüm Religiosi habeant aliquarum rerum dominium.

[urn:nbn:de:hbz:466:1-72459](#)

Disput. 38. Posset etiam addi, iura illa consuetudine esse mitigata: & hoc malim in praxi. Itaque posset seruus vii occulta compensatione, si dominus ei res suas abstulisset.

D V B I T A T I O V.

Utrum Religiosi habeant aliquarum rerum dominium.

18
Sententia
Nauarri.

Nauarrus commentario 2. de Regularibus, num. 3. 34. & alibi, docet, ne ipsis quidem congregationibus Religiosorum, qua possunt habere redditus & bona immobilia in communi, competere dominium propriè talium bonorum; sed solum administrationem: dominium autem confistere apud solum Christum Dominum. Idem docet de omnibus Clericis respectu bonorum Ecclesiasticorum, in Apolog. q. 1. monito 24. & seqq. In eadem sententia est Maior in 4.d. 24. quæst. 6. Ratio præcipua est, quia haec bona paucim in luce vocantur *patrimonium Christi*. Sed contraria sententia est communis DD. pro qua

19

Dico Primò, Religiosi professi possunt in communi habere dominium bonorum temporalium, ita ut ipsa congregatio vero dominio illa possideat.

Conuentus
Religioso-
rum habet
dominium.

Probatur Primò ex Concil. Trid. fess. 25. c. 3. de Regularibus, vbi conceditur omnibus Monasteriis & dominibus tam virorum quam mulierum etiam mendicantium, exceptis Franciscanis, (nempe Capucinis & Minoribus de Observantia) vt deinceps bona immobilia eis possidere licet. atqui non propriè dicitur *possessor*, qui solam habet administrationem, sed qui dominium.

Secundò, Quia Nicolaus III. Extraag. Exiit, docet, dominium rerum quibus Franciscani utuntur, ad Papam pertinere, non autem ad eorum congregationem, vbi insinuat, in aliis Religionibus, quibus licet habere bona in communi, dominium pertinere ad ipsas congregations.

Respondet Nauar. comm. 2. nu. 3. per dominium ibi intelligi *Ius administrandi*.

Contra, Quia Sedes Apostolica plus iuris in illa bona, quam in Ius administrandi, habere videatur. nam potest ea pro suo arbitratu illis auferre & dare alii absque iniuria; quod non potest in ea bona quorum tantum habet administrationem. Non enim potest vnius Monasterij bona sine iusta causa dare alteri Monasterio vel Ecclesiæ, absque peccato iniustitia; cuius ratio non est alia, quam quod non habeat illorum dominium, sed Ius administrationis.

Tertiò, Quia communis sententia DD. est, Monachum, quidquid acquirit, non sibi acquirere, sed Monasterio: vt docet Innocentius. communiter receperunt in cap. Cùm olim. 2. de priuilegiis. atqui hoc impropriissime diceretur, si solum ius administrandi, non autem dominium Monasterio acquireretur.

Quartò, Si communitas non haberet dominium horum bonorum, vel id proueniret ex Ecclesiæ ordinatione, vel ex voventum intentione, vel ex intentione donantium. sed ex nullo horum potest prouenire: neque enim illa est talis ordinatio Ecclesiæ, qua communiteat faciat incapacem dominij: neque intentio voventum est, vt per votum

paupertatis, aut professionem excludant dominium à communitate; sed tantum à singulis in particulari: neque intentio fidelium donantium haec bona, est transferre dominium illorum in quemquam alium quam in ipsis Ordinum Conuentus; sicut qui dat pauperi elemosynam, non intendit transferre dominium in alium quam in pauperem. vide Franciscum Sarmentum de Redditione Eccl. p. r. c. 2. n. 21. & 22.

Aduerte tamen, hoc dominium non ita esse ab solutum & independens ut sæcularium: Primò, Hoc dominium est levitatem, (falem quoad bona immobilia & mobilia pretiosa qua seruari possunt) nisi in comodum Religionis; sed debet transmitti ad posteros: sic enim illorum Conuentui donatum est, & sacris Canonibus constitutum, ut Religio perseverare possit. qua in re est simile maioribus, qui etiæ alienari non possint, tamen vero dominio possidentur. Secundo, quia ob legitimam causam, per Papam (qui est summus administrator omnium Ecclesiasticorum bonorum) potest ipsis adimi, & alio transferri, relictis tamen ad vitam necessariis: ut patet tum ex prædicta quotidiana, tum quia hac mente à fidelibus centur donata Monasteriis, ut si cultus diuinus in ipsis deficiat, possint per summum Ecclesiæ dispensatorem melioribus viibus applicari. Ad rationem Nauarri respondebitur infra.

Dico Secundò, Religiosi professi solemniter, sunt in particulari omnino incapaces omnis dominij, vt usfructus, possessionis, & similis iuri rerum temporalium, mobilium, & immobilium, ita ut nemo ex illis aliquid suu nomine, seu tamquam proprium tenere possit. Est certa, & communis Doctorum.

Probatur Primò ex cap. Non dicatis. 12. q. 1. Non dicatis aliquid proprium, sed sint vobis omnia communia. De sumptu est ex regula D. Augustini. Scriptum in illud Nauar. commentarium secundum de Regularibus.

Secundò ex capitulo, cùm ad monasterium. 6. de statu Monachorum, vbi Innocentius III. sic ait: Prohibemus distritile in virtute obedientie, sub oblatione diuinæ iudicij, ne quis Monachorum proprium aliquo modo possidat. Et infra dicit nec Papam in eo dispensare posse. & cap. Monachi. 2. codem titul. Concil. Lateran. ait: Qui peculium habuerit, nisi ab Abbe fruatur ei pro iniuncta administratione permisum, a communione remoneatur altaris, &c.

Tertiò, ex Concil. Trident. fess. 25. c. 2. Nemini Regularium, tam virorum quam mulierum, licet bona immobilia, vel mobilia, cuiuscumque qualitatibus fuerint, etiam quoque modo ab eis acquisita, tamquam propria, aut etiam nomine Conuentus possidere, vel tenere: sed statim ea Superiori tradantur, Conuentuique incorporentur. Ratio est, quia Religiosi per solemnem professionem non solum spoliauit se omni dominio; sed etiam se incapacem omnis dominij & iuri temporalis fecerit. etiæ enim voto simplici paupertatis non amittas dominium, nec etiam eius fias incapax; tamen voto solemnii amittis, & incapax redderis.

Vnde autem votum solemnne paupertatis hanc vim habeat, quarti potest, de quo infra cap. 41. Dubitat. 8. Nunc tamen breuiter Dico, Ex ordinazione Ecclesiæ hanc vim habere. quod ex eo constat, quia non habet eam præcisè ex natura voti; vt patet nisi Ecclesiæ

22
votum se-
lennie redi-
dit incapaci-
tatem ex vi
ordinatio-
ne Ecclesiæ

ter in voto simplici, quod non minus est efficax in ratione voti, quam solemne; & tamen numquam potest inducere hanc incapacitatem. Neque etiam ex intentione vountis: si enim voureas in Religione non approbata a Sede Apostolica, quantumvis intendas te reddere incapacem dominij, tamen incapax non fies: nemo enim suo arbitrio se potest reddere incapacem. Vnde non relinquitur aliud quam ordinatio Ecclesie, statuentis ut professio in Religione approbata hunc effectum habeat. Simile est in incapacitate matrimonij, per solemne votum castitatis inducta.

Dices, Supradicte. dictum est Papam non posse concedere ut Monachus proprium habeat, atque si ex constitutione Ecclesiae proueniret quod non sit capax dominij, Papa possit ei proprium concedere; quia potest in Ecclesiae constitutione dispensare.

Quomodo non potest habere proprium, seu dominium? Resp. Proprium dupliciter accipi potest. Primo, ut significet dominium, quod in se & sui usus omnino independens ab arbitrio Superioris, & tale proprium non potest concedere: quia essentiae status regularis repugnat. Nam ex vi voti paupertatis, & ipsa dominij retentio, & eius usus arbitrio Superioris subiicitur; ita ut si Religiosus dominium retineat, illud secundum se & sui usum debeat a fiducie à iure Superioris dependere; vt infra c.41. Dubit. ostendemus. Itaque constante Religionis natura, hoc proprium concedi nequit. De tali loquitur Pontifex d. cap. Cùm ad Monasterium. 6. & Concil. Lateran. loco citato.

Secundo, potest accipi generatim, ut comprehendat etiam dominium, quod in se & in sui usu à Superioris arbitrio dependet. & hoc modo Papa potest proprium seu dominium concedere, tale enim proprium cum essentia Religionis non pugnat, vt infra loco notato dicetur. & huius proprii incapacitas ex Ecclesiae constitutione prouenit, non ex ipsius voti natura, aut vountis intentione, vt ostensum est.

Addo, Ecclesiam etiam absque professione posse aliquem incapacem dominij & matrimonij reddere; vt videtur est in ijs, qui in nostra Societate cooptantur in Coadiutores formatos, sive spirituales, sive temporales; qui eti profacionem non faciant, tamen per formulam suorum votorum redduntur incapaces & dominij & matrimonij; ita statuente Sede Apostolica. Simili modo, qui in gradum Scholasticorum vel Coadiutorum post biennium admittuntur, sunt inhabiles ad matrimonium, eiusdem Sedis Apostolicae decreto, quæ hanc incapacitatem & inhabilitatem votis illorum adnexit. Ex supradicta propositione infert Nau-

lib. de Reddibus, quest. 1. monito 10. & 12. & commentario 2. num. 2. Religiosum professum nullius rei habere dominium, ne vestis quidem qua induitur, aut panis quo vescitur; sed quidquid habet, esse penitus subiectum administrationi Superioris; sine cuius consensu nihil omnino habere possit.

Vnde sequitur Primò, Peccare mortaliter, si aliquid notabilis momenti recipiat & retineat, sine tacito vel expresso consensu Superioris. Secundò, Si donatione, vel alio modo tale quid alienet, sine Superioris consensu; & eum, qui accepit, tenet ad restitutionem. Tertiò, Si abscondat, ne Superior sciat. Quartò, Si possideat aliquid tamquam proprium, nolens illud permittere Superiori-

tis dispositioni; aut murmurans tamquam iniuria affectus, dum ei admittitur. Ratio est, quia haec omnia, dum absque consensu Superioris sunt, sunt actus dominij independentis, & iuris proprietarii; qui per votum paupertatis religiosi redundunt illici; vt quibus votum & professio violetur.

Dixi, Religiosos esse incapaces dominij rerum temporum; quia iurum & bonorum spiritualium Non sunt possunt habere dominium vel quasi dominium. incapaces Nam Regulares beneficiarij habent dominium, vel iurum spiritualium. Similiter simplex Religiosus potest agere nomine proprio, super iure eligendi sibi competente, & iure alimentorum; & iure manendi in tali vel tali Monasterio. de quo vide Nauar. q. 1. de Reddibus, monito 9. & commentario 2. de Regularibus. Ratio est, quia Religiosi per votum paupertatis non renuntiant bonis spiritualibus, nec iuribus praedictis, aut honoribus, qui pro talibus debentur; sed tantum temporalibus, vt docet D. Thom. 2. 2. q. 186. a. 7. ad 4. & Cajetan. ibidem.

Dico Tertiò, Quidam Religiosi non professi, sed tamen per solum votum simplex acceptatum ab Ecclesia facti verè Religiosi, non sunt incapaces dominij; sed retinent illud quādū Superiori videtur; non tamen possunt habere ullum usum suorum bonorum, vel aliorum, sine Superioris consensu. Patet ex constitutione Greg. XII. I. edita hac de re anno 1584. quæ incipit, Ascendente Domino, &c. Tales sunt Scholastici approbati, & Coadiutores, emissi votis post biennium probationis, in Societate Iesu.

Vbi Notandum est, non esse de essentia paupertatis religiosæ vt reddat hominem dominij incapacem, vel etiam vt dominio priuet, sed tantum vt priuet potestate vtendi, ita vt absque Superioris consensu non possit vla re vti, vel de villa disponere; & illo volente tenearis etiam eius dominium abdicare. Ratio est, quia parui momenti est dominium, cuius usus ita est impeditus & dependens, & alienatio sic obstricta & debita dominium enim rerum non estimatur nisi propter usum & potestatem disponendi; vnde si potestas vtendi & disponendi ita impeditur in aliquo per votum ac si non esset dominium, sanè talis merito religiosæ paupertatis cultor est censendus. nihil enim amplius habet in rebus temporalibus potestatis, quæ in actu possit exire, quam is qui dominio caret.

Hinc sequitur Primi, Talem, si alius rei, etiam si sua sit, usum usurper, absque Superioris Consensu tacito vel expresso, peccare mortaliter, si res sit notabilis momenti; quia non feci est priuatus potestate vtendi quam si sua non esset. Secundò, Si de ea disponat in alium, per donationem, testamentum, vel alter absque consensu Superioris, non solum peccare mortaliter, sed etiam dispositionem esse irritam. Cuius ratio est, quia per votum paupertatis à legitimo Superiori acceptatum priuavit se potestate disponendi suo arbitrio, solumque retinuit potestatem disponendi ex arbitrio & consensu Superioris. vnde si hic consensus desit, dispositio erit irrita; idque multò maiori ratione quam dispositio

34 Lib.2. Cap.4. *De subiecto & obiecto dom.* Dubit. 5.

suo Pralai de re Ecclesia est irrita, si fiat absque consensu Capituli. Simili modo dispositio pupilli est irrita absque consensu tutoris, et si enim totum dominium sit in pupillo; tamen hoc dominium est impeditum, translatâ potestate disponendi in tuorem. Simili modo dominium talis Religiosi est impeditum, ita ut non possit exire in actum, nisi dependenter a voluntate Superioris. concessâ tamen potestate disponendi, potest disponere in quasvis pias causas: nec Superior potest illum ad hanc vel illam restringere; ut ex Constitut. constat.

29
*Religious
beneficiarij.*

Dico Quartò, Religiosi beneficiarij, ut Abbat. Priors, Praepositi, Commendatores, & similes habentes beneficia regularia vel secularia, et si nullum habeant dominium, habent tamen ius administrandi & dispensandi fructus suorum beneficiorum, tum ad sui status congruam sustentationem, tum ad alias pias causas. Id enim Iure & consuetudine est eis concessum, quamdiu illa beneficia obtinent; ut probat Nau. comment. 2. de Regular. n. 10. quamuis Franciscus Sarmiento prima parte Defensionis, monito 11. contrarium teneat, de quo plura infra c. 41. dubit. II.

*Quomodo
Religious
possint ex-
pendere.*

Ex his sequitur, Religiousum factum Abbatem, Commendatorem, vel Episcopum, et si possit expendere in viis propriis necessariis & decentes, & ad pias causas; non tamen posse expendere in res vanas, aut ditare suis amicos; & si fecerit, tenebit ad restitutionem; similiter & eos, qui illa acceperunt. Ratio est, quia omnium istorum bonorum non est dominus, sed solum administrator & dispensator, habens tantummodo ius ad expendendum illa bona iuxta praescriptum Canonum, & Religionis, & intentionem eorum qui ea Religioni vel Ecclesia reliquerunt. Vide Nauar. q. 3. de Redditibus, monito 17. & 33.

30
*Concessio
bonorum
stabilitum.*

Dico Quintò, Superioris Religionum non possunt alicui regulari concedere vila bona stabilia, (ut sunt fundi, redditus, etiū locationes) etiam ad viam dumtaxat vel administrationem. Colligitur ex Trid. sess. 25. cap. 2. de Regularibus, vbi sic habetur. *Nec deinceps licet Superioribus bona stabilia alicui regulari concedere, etiam ad viam dumtaxat, vel viam administrationem, vel commendam.* Administratio autem bonorum Monasteriorum vel Conuentuum, ad solos officiales eorumdem ad numerum Superiorum amoviles, pertinet. Nauar. comment. i. de Regul. n. 15. & 16. putat hoc decreatum solum continere ius commune, esseque declarationem capituli *Cum ad Monasterium*: ac proinde solum prohiberi concessionem superflua, aut ad quofuis viis etiam profanos. sed longe verius est hic nouum ius contineri, & introduci; idque tum ad tollendos abusus, qui ex hisce concessionibus bonorum immobilium sequi solent; tum propter speciem proprietatis, dum regulares talia bona tamquam sua videntur administrare, & fructus in quofuis viis expendere. Itaque etiam si non si contra votum paupertatis aut contra ius commune, habere cum facultate Superioris, cumque assidia ab eius nato dependantia, talium bonorum administrationem & viam ad quasvis pias causas; tamen Concil. id in posterum prohibet, & vult ad solos officiales horum administrationem deinceps pertinere; ut aperte colligatur ex responsis Illustrissimorum Cardinalium, qui praesunt dubiis circa decreta Concilij Tridentini obo-

rientibus, qui ne nobilissimis quidem personis id concedere voluerunt, hoc Concilij decreto permoti.

Hinc sequitur, eti census vitales possint permitti pro alimentis & viis necessariis eorum qui Monasterium ingrediuntur, tamen horum administrationem non posse ipsis concedi, sed solis officialibus; quamvis eorum fructus viis destituti natis in pendantur. Illi quoque, pro quibus reliqui sunt, nihil sibi iuriis in illis vindicare possunt. Unde Superior potest illos etiam in alios viis expendere, modo tamen aliunde satis ipsis prouideat. Pontifex tamen cuius Religioso potest talium bonorum liberam administrationem & viam concedere; modo tamen id fiat ad causas pias: quia cum sit supra Concilium, potest in eius praceptis dispensare; de quo 2. 2. q. 1. a. 10.

Aduerit tamen, si alicubi talis administratio rerum mobilium vel immobilium ad vias necessarios concederetur, non teneri Religiosos ea Superioribus sponte tradere; nisi confaret alia ratione, ex communi penit. (vt sit vbi perfecta vita communio seruat) ipsis prospectum fore, unde multis locis possunt exculari. nisi enim hoc modi illis esset prouisum, plerumque necessarii res debitentur, maximè vbi Abbatia datur in Commendam, vel male per Prelatos administrantur. Si tamen à Superiori legitimo alia ratio certa institueretur, per quam iuxta formam vita communis, ipsorum necessitatibus satis foret consultum; non possent huic reformationi resistere, etiam si illam priorem rationem in ingressu inuenissent.

Dico Sextò, possunt tamen Superiorites concedere aliqua mobilia suis subditis ad vias necessarios, & etiam ad opera pia. Est communis sententia Doctoru, v.g. vestes, libros, & similem supellectilem, (haec tamen debet esse statui paupertatis accommodata, omni carens superfluo, ut Concil. inquit) & etiam aliquam pecuniam, prorsim ad vias certos & determinatos. Vtrum ad vias suos, vel vios indeterminatos concedi possit, dubium est. Verius videtur posse; quia hoc neque est contra professionem paupertatis, neque viro iure vetatur.

Dices, Concil. Trid. etiam inobilium possessionem hinc Religiosis prohibere videtur. Resp. Concilium loqui videtur initio capituli de eis bonis, quae nondum erant incorporata Monasterio, aut fine iusta licentia Superioris à Religiosis obtinebantur: nam immediatè post tantum vetat ne Superioris concedant stabilia, nulla facta mentione mobilium. Expedit tamen ob periculum proprietatis & abusus talia non concedi, nisi ad vias omnino definitos.

D Y B I T A T I O VI.

*Utrum Clerici non religiosi habeant
aliquorum bonorum dominium,
& quorum.*

Notandum ex Nau. q. 1. de Redditibus, mo- 35
nito 19. Beneficiarios seculares tria genera bo- Tria genera
norum habere posse; Patrimonialia, qualia sunt qua- ra bonorum
ipsi hereditate, vel industria, vel donatione, vel alio modo, quo laici solent, sibi acquirunt. *Quasi pa- Clerici:
trimonialia;* quae ipsi acquirunt ut Clerici, mini- steris